

Augsburg, 4. Februar 1579

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 7.

S. Suidam vestrum, Clariss[ime] vir, D[omine] et amice colende nudiustertius acceptum, hoc biduo perlustrau: et quae legere potui, nonnulla excerpti. Sed cum διὰ τὸ λεπτογράφον καὶ ἔξιτηλον τοῦ μέλανος paucissima ἡ ὀμβλυωπία μου perspicere posset: neque etiam tenuis et afflita valetudo accuratiorem operam ferret: nolui vos tam praeclaro et adamato opere fraudare diutius. Ac tuum consilium valde probo de exscribendis in aliud exemplar paternis annotationibus. quas praeter de ut opinor, aut fratrum tuorum aliquem nemo prorsus vel rectè leget, vel suis locis inseret. De editione autem Graeca dubito valde. Nam cum mea interpretatio ederetur: Frobenij Graecos Suidas ultra 500 adhuc in tabernis habere scribebantur. Quae causa mihi fuit, ne Graeca (quod patronus cupiebat) adiungerem. Aequè incertus et de meo labore sum, in tanta consternatione typographorum, incommodam et tardam exemplorum distractionem metuentium. Sed si ad id usque tempus. ego vixero: habebitis duos à me Suidas Latinos. Interim utrique vestrum pro commodato libro maximas ago gratias: et omnia officia mea, si qua esse poterunt, vobis offero. Vale, et D. Philippo fratri et D. Iulio nostro plurimam salutem meo nomine dicas velim. Augustae Vindelicorum. Pridie nonas Febr[uarij]. Anno 1579. aetatis meae 63 τῷ ἀνδροδάμαντι. qui perperam in Astrologicis libris ἀνδρώδας, inscribitur.

Hiero[nymus] Wolfius
tui studiosus.